

INUIT ATAQATIGIIT

Inatsisartuni



14. februar 2018

Inatsisartut Suleriaasianni § 37 imm. 1 naapertorlugu Naalakkersuisunut apequt imaattoq matumuuna saqqummiuppara.

Naalakkersuisunut apequt:

- 1. Aalisarnermut akuersissutit amerlavallaartutut oqaatigineqarsinnaasimanngippata sooq aalisartunik nutaanik aalisalersitsinissaq Naalakkersuisoqarfiup suliarimmgilai?**
- 2. Diskobugt-imi qaleraleqassutsip ernumanartumi inissisimanagera pillugu pinngortitaleriffiup mianersoqqusinera Naalakkersuisuniit isumaqatigineqarpa?**
- 3. Qaqugukkut aalisakkanik aalajangersimasunik suugaluartunilluunniit piujuuaannartitsinermik navianartorsiortitsineq pilersinneqartarnersoq Naalakkersuisut nassuiaanissaat kissaatigaara**
- 4. Aalisartunik nutaanik inuusuttunik aalisarnermik inuusutissarsiteqalersitsinissaq siunertaralugu Naalakkersuisoqarfiup suliai akissuteqaammi ilanngullugit nassinneqarsinnaappat?**
- 5. Avannaani Upernaviup aqutsiveqarfiani qalerallit ukiumut pisassiissutaasartut tamakkerneqartannginnerat anigorniarlugu pisassiissutit tamakkerlugit aalisarneqartalernissaat siunertaralugu sooq Naalakkersuisut suliniuteqanngillat?**
- 6. Aalisarnek pillugu inatsisissap suliarineqarnerani ataatsimiititaliarsuaq sulilersinnagu politikikkut siunerfilersueqatigiinnissaq eqqartueqatigiinnissarlu Naalakkersuisut seminarertitsinikkut ingerlanniarpaat?**
- 7. Ataatsimiititaliarsuup suliai kisiisa politikikkut isummersornissami tunggavigineqarnissaat Naalakkersuisut naatsorsuutigaa? Taamaangippat qanoq?**
- 8. Sisimiuni aalisartut inuusutissarsiorsinnaanissaat qulakkeerniarlugu misileraanermik imaluunniit allatut immikkut aaqqissuussinikkut aalisartut inuusutissarsiorsinnaaginnarnissaat Naalakkersuisuniit aqutissiunniissaat suliarineqarpa?**
- 9. Sisimiuni aalisartut aalisarnermikkut unittuuissuqqanerat immikkut aaqqissuussiffigineqarnissaat Naalakkersuisuniit immikkut suliniuteqarfiginiarneqarpa?**
- 10. Aalisarnermut inatsisip suliarineqarnerani Naalakkersuisut siunertaraat raajartassat pisassiissutigineqartartut ilaat "kaattaassinikkut" akisuneqqusaatsitsinikkullu akisunermik neqeroortumut pisassiissutigineqartalissasut?**
- 11. Aalisarnek pillugu inatsimmi aalisartut umiatsiaararsortut inuusutissarsiuutaasa pisassiissutinik qaffaanikkut annertusaaffigineqarnissaat siunertarineqarpa?**
- 12. Aalisarnek pillugu ataatsimiititaliarsuaq Naalakkersuisut oqaatigisaat malillugu isumaqatigiissummik ingerlatsiviusimasoq kikkunnik isumaqatigiissusiorfgineqarpa?**

**13. Misileraaneq pinnagu kisialli raajattassanik niuerutigineqarsinnaasunik
pisassiinikkut aalisartunik nutaanik pulatitsinissaq siunertanut ilaatillugu
Naalakkersuisut aalisarneq pillugu inatsit suliariniarpaat?**

(Inatsisartuni ilaasortaq Aqqaluaq B. Egede , Inuit Ataqatigiit)

Tunngavilersuut:

Siuliani Aalisarnermut Naalakkersuisumut apeqqutigisama akineqannginnerat tunngavigalugu apeqqutinik allanik ilallugit nassiusseqqippunga. Neriullunga suliassaq pingaarutilik, tassalu aalisarneq pillugu inatsisissaq erseqqissumik Naalakkersuinikkut siunertaqarfigineqarluni ingerlasariaqartoq akissutitigut aamma erseqqissumik akineqartassasoq. Apeqquteqaatinnut Naalakkersuisut akissutaat sulinermi aamma inatsisartut ataatsimiimnissaat sioqqullugu sulinermi atugassaapput.

Kissaatigaara apeqqutit ullut qulit qaangiutsinnagit akineqarnissaat.